



> Kale borroka feminista



GAUR8

Mugimendu feminista kalean izan da berriz ere aste hone-tan, Estatu espainola astin-tzen ari den joera erreakzio-narioarekin kezkatuta eta haserre. Mezua garbia izan da: pauso bakar bat ere ez atzera.



Aste honetan alderdi popu-larreko Juanma Moreno izen-datutute Andaluziako presi-dente, PPk, Ciudadanosek eta Voxek josi duten hiruko akor-dioari esker eta eskuin mutu-rraren oldarraldi horrek sortu

du olatu feministaren eran-tzuna. Estatu espainolean ez ezik, Euskal Herrian ere izan dira elkarretaratzeak.

Sevillan, Andaluziako parla-mentuan presidente berriaren kargu hartzea gertatzen zen bitartean, Parlamentuaren atarian protesta feministak etengabeak izan ziren. Voxeko Francisco Serranoren arabera, «kale borroka feminista» zen atarian gertatzen ari zena. Par-lamentuaren barruan segi-tuan piztu ziren erreakzioak. PSOEko Susana Diazek eran-tzun zionez, «kale borroka da emakumeen kontrako indar-keria justifikatu nahia». Eta Podemoseko Teresa Rodrigue-zen erantzun zion Serranori «ahoa garbitu» behar zuela borroka feministaz hitz egin baino lehen, «borroka horri es-ker lortu baititugu gure seme-alabak zorionsuagoak egingo dituzten hainbat eskubide eta askatasun».

Parlamentuaren atarian zeu-denek buleriekin erantzun zio-ten Serranori, kantuan eta dantzan. Umorea, sorkuntza eta artea erantzun modura.



> Harrera herria

Gaur, larunbatez, Irungo he-rriak Euskal Herria harrera he-rria izan dadila galdegingo du manifestazioan. Iparrera bide-an diren ehunka lagunei elkar-tasuna helarazteaz gain, insti-tuzio ezberdinetako politikariei migratzaileei «harrera duin eta integral iraunkorra» ematea es-katuko diete mobilizazioan. Irungo Harrera Sareak antolatu



du mobilizazioa, herrian biltzen diren migratzaileen alde lan egiteko iazko uztailean dozena-ka irundarrek eta eragilek inda-rak batuta sortutako sareak. Ordutik, egunero Irundik igaro-tzen diren pertsonen ahal duten moduan laguntzen diete; gauak kale gorrian igarotzea ekidinez, arropa beroa eskainiz eta harre-ra gozoa eginez.



> Sebastian

Donostiako Antzoki Zaharrean aurkeztu dute aste honetan “La marcha de (San) Sebastian” film laburra. Galipot zinemaren ekoizpena da, Manuel Aguilarrrek zuzendu du eta berea da gidioia ere. Argazki zuzendaria Ivan V. Jimenez da eta Asier Burgaletak egin du muntaketa.

Egileek azaldu dutenez, «Sebastian eta Claire bikotea Donostian egun batzuk igarotzen ari diren turistak dira. Alde Za-



harretik paseoan, Sarriegiren estatua ukitu eta mundu musikal batean murgilduko dira, hiriko jai handiaren benetako protagonistak bilakatuz, danborradako protagonistak».

Aurkeztu oso jendetsua izan zen eta sarean ere ikusmin handia sortu du film laburrak. Interesa duenarentzat: «La marcha de (San) Sebastian from Galipot Zinema on Vimeo».

> EHZ jaialdia

EHZ jaialdia berrikuntzekin dator, baina, ohiturari eutsiz, ekaineko azken asteburuan izanen da aurten ere. Joan den asteburuan erabaki zuten, Baionako Zizpa gaztetxean egindako biltzar nagusian. Festibalaren kokalekua oraindik ere zehaztu ez duten arren, landa eremua alboratu eta herri batera eramango dutela iragarri zuten.

EHZ jaialdiaren geroa zalan-tzan bazegoen ere, antolaketa eta edukiaren proposamenari baieztoko zabala eman eta aurrera



jarraitzeko indarrak bildu ditu EHZ jaialdiaren prestaketa bere gain hartu duen lantalde berriak.

Ekaitzek eta arazo ekonomikoek kinka larrian jarri dute jaialdiaren etorkizuna. Bi urteko trantsizioaren ostean, baina, 1996an jaiotako festibala eraberritu egingo dute aurten. Gauza asko oraindik zehazteko dituzten arren, garbi nabarmendu dute jaialdiaren bi zutabe nagusiak kultura eta politika izango direla aurrerantzean ere.



> Putazalea

«Gizonik ez da jaiotzen putazale izateko». Mezu hori zabaltzen duen bideoa egin du Nafarroako Accion Contra la Trata gobernuz kanpoko erakundeak. Sei minutuko bideoan, gizon baten eta emakumezko baten ahotik jasotzen dira gure jendartearen prostituzioa hain barneratua eta baimendua egoteko dauden arra-



zoiak eta ideiak. Bideoa ez da berri-berria, badaramatza aste batzuk sarean eta dagoeneko 141.000 ikustaldi baino gehiago izan ditu.

Nafarroako Berdintasun Sailak ere babesten du kanpaina eta helburua emakumeen salerosketaren inguruan dagoen tolerantzia sozialaren inguruan hausnartzea da.